

«О'ЗКИМЁСАНОАТ»
АКЦИЯДОРЛИК ЖАМИЯТИ

БҮЙРУҚ

2022 йил “31” 05—

73-сон

Тошкент шаҳри

**“Ўзқимёсаноат” АЖ марказий аппарати
бошлиғич хотин-қизлар ташкилоти раисини
тасдиқлаши тўғрисида**

Ўзбекистон Республикаси Президентининг 2022 йил 7 марта гаги “Оила ва хотин-қизларни тизимли қўллаб-қувватлашга доир ишларни янада жадаллаштириш чора-тадбирлари тўғрисида”ги ПФ-87-сон Фармони талабларини бажариш, шунингдек, Ўзбекистон Республикаси Вазирлар Маҳкамасида 2022 йил 18 май куни “Вазирлик ва идоралар ҳамда улар тизимида ги ташкилотлар томонидан аҳолига хизмат кўрсатиш самарадорлигини ошириш бўйича келгусидаги вазифалар тўғрисида” ўtkazilgan йиғилишнинг 109-сон баёни 10-банди ижросини таъминлаш мақсадида

БУЮРАМАН:

1. Ўзбекистон Республикаси Вазирлар Маҳкамасида 2022 йил 18 май куни ўtkazilgan йиғилишнинг 109-сон баёни раҳбарлик ва ижро учун қабул қилинсин.

2. “Ўзқимёсаноат” АЖ марказий аппарати ва тармоқ корхоналарининг меҳнат жамоаларида фаолият юритаётган хотин-қизларни ҳар томонлама қўллаб-қувватлаш, ижтимоий-иктисодий аҳволи ва меҳнат шароитларини яхшилаш, ҳуқуқ ва манфаатларини ҳимоя қилиш, миллий ва маънавий қадриятларимизга асосланган ҳолда оила муносабатларини мустаҳкамлаш, соғлом турмуш тарзини шакллантириш, хотин-қизларнинг маънавиятини юксалтириш мақсадида хотин-қизлар бошлиғич ташкилотлари тузилганлиги ҳамда “Ўзқимёсаноат” АЖ марказий аппарати хотин-қизлар бошлиғич ташкилотини ташкил этиш бўйича 2022 йил 31 май куни ўtkazilgan умумий йиғилиш карори билан хотин-қизлар бошлиғич ташкилоти раиси этиб Абдурахманова Санобар Махаммадаминовна сайланганлиги маълумот учун қабул қилинсин (1-илова).

3. “Ўзкимёсаноат” АЖ маразий аппарати хотин-қизлар бошлангич ташкилоти фаолиятига раҳбарликни амалга оширувчи коллегиал ижроия органи – Аёллар кенгashi тузилганлиги маълумот учун қабул килинсин (2-илова).

4. “Ўзкимёсаноат” АЖ Хотин-қизлар масалалари бўйича бошлангич ташкилоти низоми иловага мувофиқ тасдиқлансин (3-илова).

5. Мазкур буйруқнинг ижро назоратини ўз зиммамда қолдирман.

Бошқарув раиси



Ж.Т. Мирзамахмудов

“Ўзкимёсаноат” АЖнинг
2022 йил “31” 05 даги
13-сон буйруғига 1-илова

“Ўзкимёсаноат” АЖ хотин-қизлар бошланғич
ташкилоти умумий йиғилиши

БАЁНИ

2022 йил “30” май

1 -сон

Тошкент шаҳри

Бошланғич ташкилот аъзолари	- 21 нафар
Йиғилишда иштирок этайданлар	- 20 нафар
Узрли сабабларга кўра иштирок этмайданлар	- 1 нафар

Раислик қилувчи: F.Абдуллаев - “Ўзкимёсаноат” АЖ касаба уюшмаси
қўмитаси раиси

КУН ТАРТИБИ:

- “Ўзкимёсаноат” АЖ хотин-қизлар бошланғич ташкилоти раисини
сайлаш.
- Аёллар кенгаши таркибини тасдиқлаш.

(Абдуллаев, Абдурахманова, Алибаева, Мирходжсаева, Абдуллаев)

Ўзбекистон Республикаси Президентининг 2022 йил 7 мартдаги “Оила ва
хотин-қизларни тизимли қўллаб-қувватлашга доир ишларни янада
жадаллаштириш чора-тадбирлари тўғрисида”ги ПФ-87-сон Фармонининг
10-бандида “барча давлат органлари ва ташкилотлари, устав капиталида давлат
улуши 50 фоиз ва ундан ортиқ бўлган ташкилотлар хамда уларнинг тизимидағи
ташкилотлар раҳбарларининг камида 1 нафар ўринбосарини хотин-қизлар
орасидан тайинлаш”, шунингдек, Давлат раҳбари раислигида
2022 йил 1 март куни кенгайтирилган тарзда “Хотин-қизларни ҳар тарафлама
қўллаб-қувватлаш, уларнинг жамиятдаги мавқеини янада мустаҳкамлаш
борасидаги долзарб вазифалар тўғрисида” ўтказилган видеоселектор
йиғилишининг 18-сон баёни 35.2-бандида “ҳар бир вазирлик, давлат компанияси,
банк ва бошқа идоралар келгуси икки йилда ўз тизимидағи аёлларни раҳбарликка
ўқитиши, камида бир нафар ўринбосар лавозимига аёл кадр тайинланишини
таъминлаши, ушбу тизим олий таълим муассасалари, тиббиёт марказларида ҳам
жорий этилиши” топшириғи берилган. “Ўзкимёсаноат” АЖ марказий аппарати ва
тармоқ корхоналарининг меҳнат жамоаларида фаолият юритаётган хотин-
қизларни ҳар томонлама қўллаб-қувватлаш, ижтимоий-иктисодий ахволи ва

мехнат шароитларини яхшилаш, хуқуқ ва манфаатларини ҳимоя қилиш, миллий ва маънавий қадриятларимизга асосланган ҳолда оила муносабатларини мустаҳкамлаш, соғлом турмуш тарзини шакллантириш, хотин-қизларнинг маънавиятини юксалтириш мақсадида хотин-қизлар бошланғич ташкилотларини тузиш кўзда тутилган.

Ўзбекистон Республикаси Президентининг 2022 йил 7 мартағи “Оила ва хотин-қизларни тизимли кўллаб-кувватлашга доир ишларни янада жадаллаштириш чора-тадбирлари тўғрисида”ги ПФ-87-сон Фармонининг талабларини бажариш, шунингдек, Ўзбекистон Республикаси Вазирлар Маҳкамасида 2022 йил 18 май куни “Вазирлик ва идоралар ҳамда улар тизимидағи ташкилотлар томонидан аҳолига хизмат кўрсатиш самарадорлигини ошириш бўйича келгусидаги вазифалар тўғрисида” ўтказилган йиғилишнинг 109-сон баёни 10-банди ижросини таъминлаш мақсадида йиғилиш

ҚАРОР ҚИЛАДИ:

1. “Ўзкимёсаноат” АЖ марказий аппарати хотин-қизлар бошланғич ташкилоти раиси этиб Абдурахманова Санобар Махаммадаминовна сайлансин.
2. “Ўзкимёсаноат” АЖ маразий аппарати хотин-қизлар бошланғич ташкилоти фаолиятига раҳбарликни амалга оширувчи коллегиал ижроия органи – Аёллар кенгashi таркиби иловага мувофиқ тасдиқлансин.
3. Мазкур карор ижросини назорат қилиш С.Абдурахманова зиммасига юклатилсин.

Йиғилиш раиси



F.Абдуллаев

**“Ўзкимёсаноат” АЖ маразий аппарати хотин-қизлар бошланғич
ташкилоти фаолиятига раҳбарликни амалга оширувчи коллегиал
ижроия органи – Аёллар кенгаши
ТАРКИБИ**

№	Ф.И.Ш.	Лавозими
1.	Абдурахманова Санобар Махаммадаминовна	“Ўзкимёсаноат” АЖ бошқаруви раиси маслаҳатчиси – Аёллар кенгаши раиси
2.	Абдурахманова Рано Абдул-Ахатовна	Иқтисодиёт ва бизнесни режалаштириш департаменти бошлиғи – Кенгаш аъзоси
3.	Алибаева Муаттар Ниматуллаевна	Йиғма ахборот-таҳлил департаменти етакчи мутахассиси – Кенгаш аъзоси
4.	Топтун Нина Николаевна	Махсус бўлим бошлиғи – Кенгаш аъзоси
5.	Холмуҳаммедова Гулноза Худойбердиевна	Рўйхатга олиш ва ижро интизоми бўлими етакчи мутахассиси – Кенгаш аъзоси

*Изоҳ: Кенгаши аъзолари бошқа лавозимга ўтган тақдирда, унинг
таркибига ушибу лавозимга янгидан тайинланган ёки унинг вазифаси
юклатилган шахслар киритилади.*

“Ўзкимёсаноат” АЖНИНГ
2022 йил “31” 05 даги
43-сон буйруғига З-илова

“Ўзкимёсаноат” АЖ Хотин-қизлар масалалари бўйича бошланғич ташкилоти

НИЗОМИ

1-боб. Умумий қоидалар

1.1. Ушбу Низом “Ўзкимёсаноат” АЖ ва тармок корхоналари хотин-қизлар масалалари бўйича бошланғич ташкилотларининг (кейинги ўринларда - бошланғич ташкилот) асосий вазифалари ва функциялари, хукуқ ва мажбуриятларини, шунингдек, фаолиятини ташкил этиш тартибини белгилайди.

1.2. Бошланғич ташкилот хотин-қизларга оид давлат сиёсатини амалга оширишда “Ўзкимёсаноат” АЖ фаолиятини мувофиқлаштирувчи коллегиал орган хисобланади.

1.3. Бошланғич ташкилот “Ўзкимёсаноат” АЖда фаолият олиб бораётган хотин-қизларни ихтиёрийлик асосида бирлаштиради, шу билан бирга, жамоатчилик асосида фаолият юритади.

1.4. Бошланғич ташкилотлар ўз фаолиятини Ўзбекистон Республикаси Конституцияси ва Конунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг Фармон, қарор ва фармойишлари, Ўзбекистон Республикаси Вазирлар Маҳкамасининг қарорлари ва фармойишларига, шунингдек, мазкур Низомга мувофиқ олиб боради.

2-боб. Бошланғич ташкилотни ташкил этиш ва унинг тузилиши

2.1. Бошланғич ташкилот меҳнат жамоаларида **18 ёшдан катта бўлган хотин-қизларнинг сони 5 нафардан кам бўлмаган** тақдирда ташкил этилади.

Тасарруфидаги **5 нафардан кам бўлган** корхона, ташкилот ва муассасаларда фаолият кўрсатаётган хотин-қизлар юқори турувчи ташкилотнинг бошланғич ташкилотига қўшилади.

2.2. Бошланғич ташкилотни тузиш ҳақидаги қарор аъзоларнинг йиғилиши томонидан қабул қилинади ва бу ҳақда тегишлилиги бўйича **3 (уч) иш кунида** Ўзбекистон Республикаси Оила ва хотин-қизлар давлат кўмитаси, Қорақалпоғистон Республикаси Оила ва хотин-қизлар кўмитаси, вилоятлар ва Тошкент шаҳар оила ва хотин-қизлар бошқармалари, туман (шаҳар) оила ва хотин-қизлар бўлимларига ҳамда юқори турувчи органига хабар қилинади.

2.3. Бошланғич ташкилотни ташкил этиш тўғрисидаги қарор чиққан кундан бошлаб **10 (үн) кун** муддатда тегишлилиги бўйича Ўзбекистон

Республикаси Оила ва хотин-қизлар давлат қўмитаси, Қорақалпоғистон Республикаси оила ва хотин-қизлар қўмитаси, вилоятлар ва Тошкент шаҳар оила ва хотин-қизлар бошқармалари, туман (шаҳар) оила ва хотин-қизлар бўлимларида рўйхатга олинади.

3-боб. Бошланғич ташкилотнинг асосий вазифалари ва функциялари

3.1. Бошланғич ташкилот меҳнат жамоаларида фаолият юритаётган хотин-қизларни ҳар томонлама қўллаб-қувватлаш, ижтимоий-иктисодий аҳволи ва меҳнат шароитларини яхшилаш, хукуқ ва манфаатларини ҳимоя қилиш, миллий ва маънавий қадриятларимизга асосланган ҳолда оила муносабатларини мустаҳкамлаш, соғлом турмуш тарзини шакллантириш, хотин-қизларнинг маънавиятини юксалтириш мақсадида тузилади.

3.2. Кўйидагилар Бошланғич ташкилотининг асосий вазифалари ҳисобланади:

Оила ва хотин-қизлар давлат қўмитасига юкланган вазифаларни амалга оширишда яқиндан кўмаклашиш;

хотин-қизларга оид давлат сиёсатини амалга оширишда иштирок этувчи давлат органлари ва муассасалари фаолиятига кўмаклашиш;

Ўзбекистон Республикаси Президенти ҳамда Ҳукуматининг ҳужжатларида соҳага оид белгиланган талабларни ҳаётга тўлақонли жорий этиш.

3.3. Бошланғич ташкилот ўзига юкланган вазифаларни бажариш учун қўйидаги функцияларни амалга оширади:

а) Оила ва хотин-қизлар давлат қўмитасига юкланган вазифаларни амалга оширишда яқиндан кўмаклашиш соҳасида:

Оила ва хотин-қизлар давлат қўмитасини хотин-қизларнинг кўмакчиси ва таянчига айлантириш;

Оила ва хотин-қизлар давлат қўмитаси фаолиятини самарали йўлга қўйишга доир тавсиялар бериш, хотин-қизларга оид давлат сиёсатини амалга ошириш жараёнида вужудга келаётган муаммо ва йўл қўйилаётган камчиликларни бартараф этишда кўмаклашиш;

Оила ва хотин-қизлар давлат қўмитасининг давлат органлари ва муассасалари, нодавлат нотижорат ташкилотлари ва фуқаролик жамиятининг бошқа институтлари билан ўзаро ҳамкорлик қилиш режаларини белгилашда, тадбирлар, анжуманлар ташкил этишда ва ўтказишида амалий ёрдам кўрсатиш;

хотин-қизлар муаммолари ва ташабbusларини ўрганиш;

хотин-қизларга ижтимоий ёрдам кўрсатиш масалаларини ҳал қилишда жамоат бирлашмалари, хайрия жамғармалари ва бошқа нодавлат нотижорат ташкилотлар билан ўзаро ҳамкорлик қилиш;

хотин-қизларнинг меҳнат шароитларини яхшилаш, аёлларга нисбатан меҳнат қонунчилигида белгиланган имтиёз ва кафолатларни амалга

оширишда кўмаклашиш;

Оила ва хотин-қизлар давлат қўмитаси фаолияти борасида кенг жамоатчилик фикрини ўрганиш, таҳлил қилиш, ушбу соҳадаги ишларни янада такомиллаштиришга доир таклифлар ишлаб чиқиш;

б) хотин-қизларга оид давлат сиёсатини амалга оширишда иштирок этувчи ваколатли идоралар фаолиятини мувофиқлаштириш соҳасида:

давлат органлари ва муассасалари, нодавлат нотижорат ташкилотлари, шунингдек, фуқаролик жамиятининг бошқа институтлари билан хотин-қизларга оид давлат сиёсатини амалга оширишда ҳамкорлик қилиш;

хотин-қизларни давлат томонидан ҳар томонлама қўллаб-қувватлаш соҳасидаги ислоҳотларни хотин-қизларга доимий равишида етказиб бориш;

хотин-қизларни ҳар томонлама қўллаб-қувватлаш, улар учун муносиб меҳнат шароитларини яратилишига кўмаклашиш;

хотин-қизларни маънавий-ахлоқий жиҳатдан ва ҳарбий- ватанпарварлик руҳида тарбиялашга доир тадбирларни ташкил этиш;

миллий ва маънавий қадриятларимизга асосланган ҳолда оила муносабатларини мустаҳкамлаш, хотин-қизлар ўртасида салбий ҳолатларнинг олдини олиш, уларнинг маънавиятини юксалтириш;

хотин-қизларнинг ҳукуқлари, эркинликлари ва конуний манфаатларини ҳимоя қилишга, уларнинг жамият ҳаётидаги роли ва фаоллигини оширишга, соғлом ва баркамол ёш авлодни тарбиялашга, оиласда маънавий-ахлоқий муҳитни шакллантиришга йўналтирилган чора-тадбирларни ташкил этиш;

хотин-қизларнинг ижтимоий-сиёсий фаоллиги, ҳукуқий билимлари ва маданиятини ошириш, ҳукуқ ва манфаатларини ҳимоя қилиш, муаммоларини ўрганиш ва бартараф этишга кўмаклашиш;

оилаларни мустаҳкамлашга оид хотин-қизлар масалаларида таълим муассасалари ва бўйича тегишли ташкилотлар билан ҳамкорлик қилиш;

хотин-қизларга миллий ўзлик, инсонпарварлик анъаналарига садоқат ғояларини сингдириш, улар ўртасида радикализм ва экстремизмнинг ёт ғояларига қарши иммунитетни мустаҳкамлаш борасида маърифий ишларни амалга ошириш;

хотин-қизлар ўртасида жисмоний тарбия ва спортни ривожлантириш, спортга қизиқиши рағбатлантириш чора-тадбирларини амалга ошириш;

хотин-қизлар ўртасида санитария-гигиенага оид ва соғлом турмуш тарзини шакллантириш бўйича тарғибот ишларини ташкил этиш;

хотин-қизлар таълими ва тарбияси сифатини ошириш, ўқув жараёнига таълимнинг замонавий шакллари ва усулларини жорий этиш чораларини кўриш;

хотин-қизларнинг касбий салоҳиятини ошириб бориши учун шарт-шароитларни яратиш, семинарлар ташкил этиш;

хотин-қизлар ўртасида ўқув, ахборот, маънавий-маърифий, маданий ва бошқа тадбирларни ташкил этиш ва ўтказиш;

тегишли давлат ва жамоат ташкилотлари билан биргаликда аёлларга нисбатан тазийк ва зўравонликка қарши курашиш чора-тадбирларини амалга ошириш.

в) Узбекистон Республикаси Президенти хамда Ҳукуматининг ҳужжатларида соҳага оид белгиланган талабларни ҳётга тўлақонли жорий этиш соҳасида:

хотин-қизларга оид давлат сиёсати соҳасидаги давлат дастурларининг ишлаб чиқилишида ва амалга оширилишида иштирок этиш;

хотин-қизларга оид давлат сиёсати соҳасидаги қонун ҳужжатларининг ижро этилиши юзасидан жамоатчилик назоратини амалга ошириш.

4-боб. Бошланғич ташкилотнинг ҳуқуқ ва мажбуриятлари

4.1. Бошланғич ташкилот қуйидаги ҳуқуқларга эга:

Узбекистон Республикаси Оила ва хотин-қизлар давлат қўмитаси ва мазкур Низом тамойилларига зид бўлмаган ички идоравий ҳужжатларни қабул қилиш;

ўз ваколатига кирадиган масалалар бўйича давлат органлари ва муассасалари, нодавлат нотижорат ташкилотлари ва фуқаролик жамиятининг бошқа институтларидан белгиланган тартибда маълумотларни сўраш ва олиш;

давлат органлари ва муассасаларининг хотин-қизларга оид давлат сиёсатини амалга ошириш билан боғлиқ фаолияти самарадорлигини оширишга доир таклифлар ишлаб чиқиш;

Узбекистон Республикаси Оила ва хотин-қизлар давлат қўмитаси ва унинг ҳудудий бўлинмалари томонидан ўтказиладиган тадбир ва ўқув семинарларга ўз вакилларини юбориш;

жамият ва давлат ҳаётида фаоллик ва ташаббускорлик кўрсатган, ўзининг самарали меҳнати билан оналиқ ва болалик муҳофазасига муносиб ҳисса қўшган, шунингдек, соғлом ва баркамол авлодни вояга етказиш, уларни ватанпарварлик рухида тарбиялаш, жойларда маънавий-ахлоқий мұхитни соғломлаштириш борасида ибратли фаолият олиб бораётган хотин-қизларни белгиланган тартибда «Мўътабар аёл» кўкрак нишонига тавсия этиш;

хотин-қизларга оид давлат сиёсатини амалга оширишда фаол ва ташаббускор хотин-қизларни рағбатлантириш, жамоат ишларига жалб этиш, шунингдек, уларни ўрнатилган тартибда раҳбарлик лавозимларига тавсия этиш;

уларнинг ҳуқуқ ва қонуний манфаатларини химоя қилишга қаратилган таклифлар ишлаб чиқиш ва раҳбариятга киритиш;

Узбекистон Республикаси “Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида”ги Қонун ҳужжатларининг ижроси устидан жамоатчилик назоратини амалга ошириш;

бошланғич ташкилот фаолиятини ОАВларида кенг ёритиб бориш;

бошланғич ташкилот қонун хужжатларига мувофик бошқа хуқукларга ҳам эга бўлиши мумкин.

4.2. Бошланғич ташкилот ўзига юкланган вазифалар ва функцияларнинг самарали бажарилиши учун жавоб беради.

5-боб. Бошланғич ташкилот фаолиятининг асосий тамойиллари

5.1. Бошланғич ташкилот ўз фаолиятини қўйидаги тамойиллар асосида олиб боради:

бошланғич ташкилот раҳбар органларининг сайланиши;

бошланғич ташкилот сайлаб қўйиладиган раҳбар органларининг юқори турувчи органи ҳамда тегишлилиги бўйича Оила ва хотин-қизлар давлат қўмитаси ва унинг худудий бўлинмаларига ҳисобот бериши;

бошланғич ташкилот ва унинг сайлаб қўйиладиган органлари ишида коллегиаллик, ошкоралик;

қарорлар қабул қилиш чоғида мунозара эркинлиги ва қабул қилингандан кейин сўzsиз бажарилишини таъминланиши.

6-боб. Бошланғич ташкилотнинг раҳбар органлари

6.1. Бошланғич ташкилотнинг раҳбар органлари:

умумий йиғилиш;

аёллар кенгаши.

6.2. Раҳбар органларида қўйидаги асосий тушунчалар қўлланилади;

Умумий йиғилиш - бошланғич ташкилотнинг олий органи;

Аёллар кенгаши — бошланғич ташкилот фаолиятига раҳбарликни амалга оширувчи коллегиал ижроия органи;

Бошланғич ташкилот раиси - фаолиятини яккабошчилик асосида амалга оширувчи раҳбар.

6.3. Умумий йиғилиш:

6.3.1. Бошланғич ташкилотнинг умумий йиғилишлари уларнинг ишида ўз аъзоларининг ярмидан кўпи иштирок этган тақдирда хуқукли ҳисобланади.

6.3.2. Бошланғич ташкилот умумий йиғилиши қарорлари уларда қатнашаётган йиғилиш иштирокчиларининг ярмидан кўпи ёқлаб овоз бергандагина қабул қилинган ҳисобланади.

Овоз бериш усули (очик ёки ёпик тарзда) тегишли умумий йиғилиш иштирокчилари томонидан белгиланади.

6.3.3. Бошланғич ташкилотнинг умумий йиғилишида муҳокама этилган масалалар юзасидан қарорлар қабул қилинади ва натижалари бўйича баённомалар расмийлаштирилади.

6.3.4. Бошланғич ташкилот умумий йиғилишининг чақирилиши тўғрисида камидаги 10 (үн) кун аввал эълон қилинади ва унда умумий йиғилиш муддати, жойи, кун тартиби кўрсатилади.

6.4. Бошланғич ташкилотнинг зарур ҳоллардаги навбатдан ташқари умумий йиғилиши ўз аъзоларининг ташаббусига биноан, бошланғич ташкилот аъзоларининг камидаги учдан бир қисмининг талабига кўра чақирилади.

6.5. Бошланғич ташкилот умумий йиғилишининг ваколатлари:

бошланғич ташкилот раисини 3 (уч) йил муддатга сайлаш;

бошланғич ташкилотнинг фаолияти тўғрисидаги ҳисоботларини эшлиши;

мазкур Низом ва бошқа амалдаги қонунчилик хужжатларга зид бўлмаган фаолиятига доир низомлар ва бошқа хужжатларни қабул қилиш, шунингдек, уларга қўшимча ва ўзгартишлар киритиш;

бошланғич ташкилот аъзоларининг ҳукуқ ва қонуний манфаатларига оид масалаларда қарор қабул қилиш;

аёллар кенгаши сон таркибини белгилаш ва аъзоларини 3 (уч) йил муддатга сайлаш;

аёллар кенгашининг аъзолари фаолиятини давом эттира олмаган (бошқа ишга ўтиб кетиши ёки бошқа сабабларга кўра) тақдирда 2 (икки) ҳафта муддатда кенгаш таркибини тўлдириш ва янги аъзоларни сайлаш бўйича умумий йиғилиш ўтказилади.

6.6. Ваколат муддати (3 йил) тугаганидан сўнг, бошланғич ташкилот органларининг ваколати тугаган ҳисобланади.

Ваколат муддати тугаганидан сўнг, аъзолар ташабbusi билан умумий йиғилиш ўтказилиб, қайта сайлов ўтказиши лозим.

Қайта сайловларни ўтказиш форс-мажор ҳолатларида ёки қонунчиликда белгиланган бошқа чекловлар жорий қилинганда маълум бир муддатга кечикирилиши мумкин.

6.7. Аёллар кенгаши:

аёллар кенгаши бошланғич ташкилотнинг сайлаб қўйиладиган коллегиал ижроия органи ҳисобланиб, бошланғич ташкилот фаолиятига жорий раҳбарликни амалга оширади;

аёллар кенгаши таркибига лавозимидан қатъий назар бошланғич ташкилотнинг фаол, обрўли аъзолари орасидан 3-7 нафар таркибда хотин-қизлари сайланади;

аёллар кенгаши йиғилиши заруриятга қараб, аммо ҳар чоракда камидаги маротаба ўтказилади;

аёллар кенгаши йиғилишларини унинг раиси, у йўқ бўлган ҳолларда унинг аъзоларидан бири олиб боради;

аёллар кенгашининг ваколат муддати 3 (уч) йил;

аёллар кенгаши ҳужжатлари йиғилиш баёни шаклида қабул қилинади,

6.8. Аёллар кенгаши ваколатига қуидагилар киради:

низомда белгиланган вазифаларни ва умумий йиғилишнинг қарорларини бажариш бўйича фаолиятни амалга ошириш;

хотин-қизларнинг ижтимоий-меҳнат ҳуқуқларига алоқадор, жумладан, бандлик, меҳнат муносабатларини тартибга солиш, иш хақи, меҳнат шароити, хотин-қизларнинг меҳнат ҳуқуқларини, саломатлигини муҳофаза қилиш, уйжой ва майший турмуш шароити, маданий хизмат кўрсатиш, хотин-қизларнинг ижтимоий кафолатлари каби масалалар бўйича таклифларни ишлаб чиқади ҳамда уларни қонунларда ва бошқа норматив-ҳуқуқий ҳужжатларда мустаҳкамлаш юзасидан такпифлар ишлаб чиқиш;

хотин-қизларга оид масалалар юзасидан тегишлиги бўйича Ўзбекистон Республикаси Оила ва хотин-қизлар давлат қўмитаси ва унинг ҳудудий бўлинмаларига, шунингдек, Хотин-қизларнинг жамиятдаги ролини ошириш, гендер тенглик ва оила масалалари бўйича республика ва ҳудудий комиссияларга мурожаат қилиш, таклифлар киритиш;

соҳага оид хорижий тажрибаларни ўрганиб бориш;

қонунчиликда бошланғич ташкилотга бериладиган ҳукукларни амалга ошириш;

ўз фаолияти тўғрисида оммавий ахборот воситалари орқали жамоатчиликни хабардор қилиш;

бошланғич ташкилот раиси ўз хоҳишига кўра ёки бошқа ишга ўтганлиги сабабли лавозимидан озод этиш ҳакида ариза берган тақдирда ёки саломатлиги ёмонлашгани туфайли ўз вазифаларини бажара олмай қолган ҳолларда умумий йиғилишлар оралиғида бошланғич ташкилот раисини сайлаш ва лавозимидан озод қилиш;

умумий йиғилишлар оралиғидаги даврда бошланғич ташкилот раиси лавозимидан озод этилган ҳолларда, умумий йиғилиш ўтказилгунига қадар бошланғич ташкилот раиси вазифасини бажаришни унинг аъзоларидан бирига юклаш тўғрисида қарор қабул қилиш;

хотин-қизларнинг ижтимоий-меҳнат ҳуқуқлари ва манфаатларига доир масалаларни қонунлар ва бошқа норматив-ҳуқуқий ҳужжатларда мустаҳкамлаб қўйиш юзасидан таклифлар ишлаб чиқиш;

ижтимоий-иқтисодий дастурларнинг ишлаб чиқилиши ва амалга оширилишида иштирок этиш, бошланғич ташкилот фаолиятига доир муҳим масалалар бўйича қарорлар, баёнотлар, мурожаатномалар қабул қилиш;

бошланғич ташкилот аъзолари ва фаолларини рағбатлантириш тўғрисида қарорлар қабул қилиш;

бошланғич ташкилот иш режасини тасдиқлаш.

Аёллар кенгаши қонунчилик ҳужжатлари ва ушбу Низомга мувофиқ бошқа ваколатларга эга бўлиши мумкин.

6.9. Бошланғич ташкилот раиси:

бошланғич ташкилотга раҳбарлик қилади, бир вақтнинг ўзида умумий йиғилиш ва аёллар кенгаши раиси ҳам ҳисобланади. Ушбу низом ва раҳбар органлар қарорига мувофиқ берилган ваколатлар доирасида бошланғич ташкилот номидан иш кўради;

бошланғич ташкилот раиси меҳнат жамоаси раҳбарининг ўринбосари мақомига тенглаштирилади;

умумий йиғилиш томонидан 3 (уч) йил муддатга сайланади;

ушбу низом бўйича вазифаларни, шунингдек, раҳбар органлари қарорларининг бажарилишини ташкил этади ва унинг олдида ҳисобдордир;

давлат ва хўжалик бошқарув органларининг, иш берувчиларнинг очик ҳайъат мажлисларида бошланғич ташкилот номидан иштирок этади;

умумий йиғилиш ва аёллар кенгаши йиғилишларини ўтказади;

аёллар кенгаши йиғилишини чакиради, муҳокама қилинадиган масалалар юзасидан материаллар тайёрланишини ташкиллаштиради, йиғилишга масалаларни киритади, қабул қилинган қарорлар ижросини таъминлайди ва назорат қилади;

умумий йиғилиш ва аёллар кенгаши йиғилиши баёнларини имзолайди.

7-боб. Бошланғич ташкилот фаолияти саҳисоби ва ахборот бериш тартиби

7.1. Бошланғич ташкилот ўз фаолиятининг натижалари ҳисобини олиб боради ва белгиланган тартибда ҳар чорак якунларида ҳисоботларни тегишлилиги бўйича ўз раҳбарияти, Оила ва хотин-қизлар давлат қўмитаси ва унинг худудий бўлинмаларига ҳамда юқори турувчи органига тақдим этади.

8-боб. Бошланғич ташкилот фаолиятига қўмаклашиш

8.1. Оила ва хотин-қизлар давлат қўмитаси ва унинг бўлинмалари хотин-қизлар масалалари бўйича бошланғич ташкилотларга ҳар томонлама қўмаклашади, уларнинг фаолияти самарадорлигини оширишга масъул ҳисобланади.

9-боб. Бошланғич ташкилотни тугатиш ёки қайта ташкил этиш тартиби

9.1. Бошланғич ташкилотни тугатиш ёки қайта ташкил этиш бошланғич ташкилотнинг умумий йиғилиши қарорига асосан амалга оширилади.

9.2. Бошланғич ташкилот қайта ташкил этилганда умумий йиғилиш унинг ҳукуқий ворисини белгилайди.

9.3. Бошланғич ташкилотни қайта ташкил этиш ва тугатиш қонун ҳужжатларида белгиланган тартибда амалга оширилади.